



Бугун шанба, идора ходимларига маош берилаяпти. Одатда идора бошликларининг хурмати учун кассир кабинетга ведомост кўтариб киради.

Кодиров кассир узатган пулни санамай, стол тортмасига солар экан, деди:

– Нуралиевга айтинг, кирсин!

Сал ўтмай, бош бухгалтер Нуралиев кирди.

– Менга каранг, бугун бир отамлашмайликми? Маошни бўлса, олдик. Пул хотиннинг кўлига тегдими, тамом. Пака кўлимиздалигида яйраб олайлик.

Бу гап Нуралиевга ҳам ёқди. Кодиров стол ёнидаги тугмани босди. Секретар киз кирди.

– Апсаматов билан Собировни дарров чакиринг!

Апсаматов билан Собиров узун-киска бўлиб кириб келишди.

– Кани,— деди Кодиров, – олти-олтидан чўзинглар. Йўгон тепага бориб, бир ошхўрлик киламиз.

Апсаматов жон деб турган экан, дарров олти сўмни столга ташлади. Аммо Собиров гарданини кашиб туриб колди.

– Бўлинг, бўлинг,— деди Нуралиев,— мунча латтачайнарсиз, олти сўм кимни ўлдирибди?

– Олти сўм ҳеч кимни ўлдирмайди-ю, аммо келинингиз канча маош олишимни точний билади. Ундан ташкари, хотинсиз бирон жойга боролмайман.

– Э, садкайи эркак кетинг, кўйинг бу гапларни.

Собиров жонидан сугургандек килиб, олти сўмни кўли калтираб столга кўйди.

Кодиров шофёрни чакириб, харажатга юборди. Иш соати тугаши билан тўрт киши Йўгон тепага кочишга аҳд килишди.

Шундок бўлди. Йўгон тепа вилоятда энг салкин, энг хушманзара жой. Тўрт улфат роса яйрашди. Шофёр ошга уста эди, хар битта гуруч ўзи ўрмалаб огизга кириб кетаман дойди. Салатни айтмайсизми, кўк калампир аралашган салат дунёда ягона бўлса ажаб эмас. Ошга бостирилган саримсоқпиез янги сўйилган кўйнинг илигидан афзал бўлса афзалки, камлиги йўқ.

Хулласи, тўрт улфат кеч соат ўн бир яримгача маишат килишиб, ўн иккидан сал ошганда шахарга кайтишди.

Бундай пайтларда бошликлар жуда сахий бўлиб кетишади. Кодиров ҳам шундай фазилатдан холи эмас. Шерикларини бир-бир эшиклари олдига ташлаб, уйига ўтиб кетди.

Ажойиб ош учун шоферга раҳмат айтиб, ўзи ҳам дарвозаси олдида тушиб колди. Эшикни кокди. Ичкаридан жавоб бўлмади. Яна эшик кокди. Кўшнилари нима гап деб югуриб чиқишди-ю, Кодировнинг хотини чикмади. Ярим соат эшик кокди.

Хотини эшик орқасида турган экан, ахири овоз берди.

– Нега эшик очмайсан, мажлисдан ўладиган бўлиб келсам ҳам, шунака киласанми?

– Борадиган жойингизга бораверинг. Ош еган жойингизда ётишга жой килиб беришмадимми? Ўшакка бориб ётинг!

Кодировнинг дами ичига тушиб кетди. Анча вақтгача «гиринг» деёлмай туриб колди.
– Кўй, хотин, кўни-кўшнилари олдида шарманда килма. Уйда бафуржа гаплашамиз.
Хотин жавоб килмади. Оёк товушининг узоклашгани эшитилди. Ана шундан кейин
Кодиров яна ярим соатча эшик такилатди, бўлмади. Оркасига кайтди. Машина кетиб
бўлган, соат бирдан ошиб автобуслар ҳам сийраклашиб колганди. Идора, ўх-хў, канча
жойда.

Кодиров соат икки яримларда идорага кайтиб келди. Караса, кабинетининг кўча
тарафга караган деразасидан ёруғ тушиб турибди. Уборшитса пол юваётган бўлса
керак, деб ўйлади. Коровул келинг ака, деб дарвозани очди.

– Отчётга тайёрланадиган эдим, шу ерда тинчгина...

Кабинет эшигини очиш билан хайрон бўлиб тўхтади колди. Бош бухгалтер Нуралиев
ечинмай, диванга чалканча ётиб олган, кабинетни бошига кўтариб хуррак тортарди.
Нима бало, уйига ташлаб келган эдим-ку, деб хайрон бўлди Кодиров. У коровулдан план
бўлимининг калитини сўради.

– Очик, ака очик. Апсаматов иним диванда ётибдилар.

– Кадрлар бўлими-чи?

– У ер ҳам очик. Собиров ётибди.

Кодиров нима килишини билмай, гаражнинг калитини сўради.

– У ер ҳам банд, шофёрингиз «Волга»да ётибди.

Кодиров каккайганча туриб колди.

– Менга каранг, ота, – деди у коровулга. – Сизга жавоб. Уйингизга бориб, ёта колинг.
Биз бугун тонг отар отчёт тузамиз. Кўрпа-ёстикни йигманг. Чарчаганимда мен
ётатураман.

– Умрингдан барака топ, болам. Кампирим отдихинг қачон, деб сўраётган эди. Жуда
бопта бўлди.

Коровул чол дуо килиб, уйига жўнаб колди. Кодиров унинг ўрнига ёнбошлади.

Тўрт ошхўр идорани бошларига кўтариб, хуррак тортишарди.

Айникса, бошбух Нуралиев карнайга ўхшатиб тортар экан. Бу кеча тўрт ошхўрнинг
хотини хафа, биргина коровул чолнинг хотини хурсанд эди.